

Ислом ва иймон ифлосликнинг ҳар қандай кўринишини қабул қилмайди



09:08 / 27.02.2024 2224

نَعَمْ لَسَوْ وَهِيَ لَعْلَلِ الْيَصُّ بِنِ الْاَسُّ نَأْ هُنَّ عُلَّالِ يَضَرُّ دِي وَسِ نَبِ قِرَاطِ نَع
يَصُّ بِنِ الْاَقِ، اَوْدَاهُ الْاَلِ الْبِنِ اِي هَلْ لَاقَفْ، هَاةَنَفْ هَلْ اَسُّ مَثْ، هَاةَنَفْ رُمُخْ ل
مُ لَسْمُ وَيُذْمَرَّتْ لَوْدُوَادُ وَبِ اَهَاوَرُ، اَدَاهُ الْاَنْكَلِ وَ، اَلْ مَسْ وَهِيَ لَعْلَلِ

Ториқ ибн Сувайд розияллоҳу анҳудан ривоят қилинади:

«У киши Набий соллаллоҳу алайҳи васалламдан хамр ҳақида сўраганида у зот наҳий қилдилар. Сўнгра у яна сўради. Бас, у зот яна наҳий қилдилар.

«Эй Аллоҳнинг Расули! У даводир», деди у.

«Йўқ! Аксинча, у дарддир!» дедилар у зот».

Абу Довуд, Термизий ва Муслим ривоят қилганлар.

هَلْ لَانَ إِذَا قَمَّسَ وَهِيَ لَعْلَلِ لَصَّيْبِ لَلِ نَعْ، نَعْ هَلْ لِي ضَرَّءٌ دَرْدَلِ يَبْ أُنْع
مَ أَرْحَبُ أَوْ أَدَّتْ أَلْ وَأَوْ أَدَّتْ فِ، أَوْ أَدَّتْ لِكُلِّ لَعَجْ وَ، أَوْ أَدَّتْ أَوْ أَدَّتْ لَزْنَ أ

Абу Дардо розияллоҳу анҳудан ривоят қилинади:

«Набий соллаллоҳу алайҳи васаллам:

«Албатта, Аллоҳ дардни ва давони туширган. Ва ҳар бир дардга даво қилиб қўйган. Бас, даволанинглар. Фақат ҳаром ила даволанманглар», дедилар».

Шарҳ: Демак, номи ҳаром нарса борки, даво бўлиши мумкин эмас экан. Шунинг учун мусулмон одам таоми ҳалол бўлишини талаб қилганидек, дориси ҳалол бўлишини ҳам талаб қилиши лозим.

Шу ерда спирт, банж каби нарсалар ҳақида савол пайдо бўлади. Бу борада шуни айтиб ўтиш керакки, бу ва бунга ўхшаш нарсалар аслида даво учун аталган нарсалардир. Фақат табиати бузуқ кишиларгина уларни маст қилувчи модда сифатида ишлатишни ўйлаб чиқарганлар ва истеъмол қиладилар. Шунинг учун бу каби асли тиббий бўлган нарсалардан, гарчи уларда маст қилиш қобилияти бўлса ҳам, табиблар тиббий қоидалар асосида ишлатганда фойдаланса бўлаверади. Балки лозим бўлади.

**«Ҳадис ва Ҳаёт» силсиласининг
«Тиб ва дам» китоби асосида тайёрланди**